

ANTSOAINGO HAUR ESKOLA

2024-2025 IKASTURTEA

FAMILIENTZAKO INFORMAZIO OROKORRA

Martxoaren 6ko 68/2024 Ebazpenean ezarritako prozedura 2023-2024 ikasturtean eskolan matrikulatu gabeko haurrei aplikatuko zaie.

Plaza eska dezakete: 2022an eta 2023an jaiotako haurren amek, aitek edo legezko ordezkariak, baita 2024an jaiotakoek ere, baldin eta jaioteguna 2024ko maiatzaren 12a baino geroagokoa ez bada. (2024-2025 ikasturtea hasi baino 16 aste lehenago).

ESKAERAK

Eskaerak aurkezteko epea: 2024ko apirilaren 10etik 24ra bitarte.

OHARRA: egoitza elektronikoan sartu eta izapidea hasi aurretik, prestatu aurkeztu beharreko dokumentu guztiak.

Eskaera Antsoingo Udaletxearen egoitza elektronikoaren bidez egingo da: <https://sedeelectronica.ansoain.es/> eskatutako dokumentazio guztia erantsiz.

Izapidea egiteko, ziurtagiri digitala edo CL@ve behar da. CL@ve-n alta aurrez aurre lor daiteke udaletxean, 08:30etik 14:00etara

ESKABIDEA EGITEKO UNEAN AURKEZTU BEHARREKO DOKUMENTAZIOA

A. NAHITAEZKO DOKUMENTAZIOA

- Gurasoen edo legezko ordezkarien **NANaren, AIZren**, pasaportearen edo agiri baliokidearen fotokopia.
- Familia-liburuaren** edo **-liburuen kopia** edo Familia Unitatearen lotura egiaztatzen duen zuzenbideko edozein **agiri baliodun**.
- Jaio gabeko haurren kasuan, aurreikusitako erditze-data egiaztatzen duen **mediku-txostena** beharko da. Onartzeko, jaiotza-data egiaztatu beharko da.
- Adopzio-prozesuan edo familia-harreraren dauden haurren kasuan, **inguruabar hori egiaztatzen duen ebazpenaren** eta jaiotza-data jasotzen duen agiriaren kopia.
- Banantze edo dibortzio kasuan, legez hori egiaztatzen duen **epai judizialaren fotokopia** edo **agiria** aurkeztu beharko da.

B. ONARPEN- IRIZPIDEAK EGIAZTATZEKO ETA BALORATZEKO DOKUMENTAZIOA

LEHENTASUNEZKO IRIZPIDEAK

- Anaia** edo **arrebaren bat 2023-2024 ikasturtean Antsoaingo Haur Eskolan matrikulatua egotea** eta **2024-2025 ikasturtean jarraitzea**
 - Hautaketa Batzordeak datuak egiaztatuko ditu atal hau barematzeko.
- Bizilekuaren edo lantokiaren hurbiltasuna**
 - Antsoainen bizi** dela egiaztatzeko, Antsoaingo Udalak 2024ko urtarrilaren 25etik aurrera emandako **bizikidetza-ziurtagiria** edo **-bolantea** aurkeztu beharko da. Agiri horretan bai haurra baita gurasoetako batek edo legezko ordezkarietako batek, gutxienez, Antsoainen 2024ko urtarrilaren 1a baino lehen erroldatuta daudela jaso beharko da. Jaio gabeko haurren kasuan, gutxienez gurasoetako edo legezko ordezkarietako baten errolda ziurtagiria aurkeztu beharko da.
Agiri hau Antsoaingo soilik baldin bada baloratuko da.
 - Antsoainen erroldatuta ez dauden pertsonak baina haien lantokia udalerrri honetan dagoela egiaztatzeko honako hauek aurkeztu beharko dute:

- Besteren konturako langileek, lantokia non dagoen egiaztatzeko, **Enpresaren ziurtagiria** aurkeztuko dute, non interesadunaren datu pertsonalak eta bere lantokiaren helbideari buruzko datuak egertuko diren, **lan kontratuarekin** batera baita Gizarte Segurantzako altarekin (**Lan bizitza**).
- Administrazio publikoetako langileen kasuan, dagokion langileria burutzak emandako **ziurtagiri** bat aurkeztu beharko da, interesdunaren datu pertsonalak eta lantokiaren helbideari buruzkoak jasotzen dituen.
- Langile autonomoen kasuan, **Jarduera Ekonomikoen gaineko Zergan (JEZ)** alta emanda dagoela egiaztatzen duen agiria aurkeztu beharko da, udaletxeak emana.
- Indarrean dagoen araudiaren arabera, Jarduera Ekonomikoen gaineko Zergan alta emanda egoteko legezko betebeharririk ez badago, dagokion udalak emandako **irekitze**-lizentziaren kopia bat edo jardueren **aldez aurreko jakinarazpena** beharko da, eta, bi kasuetan, horren indarraldiari buruzko interesdunaren **erantzukizunpeko adierazpena**.

7. puntu honetan aipatutako dokumentuak 2024ko martxoaren 26tik 2024ko apirilaren 24ra bitartean eginak egon beharko dira, irekiera-lizentziaren edo jardueren aurretiazko jakinarazpenaren kopiari dagokionez izan ezik.

8. Familia-unitatearen per capita errenta (1)

- Errenta-mailak justifikatzeko dokumentazioa **Pertsona Fisikoen Errentaren gaineko Zergaren Aitorpena da, familia-unitateko kide konputagarri guztien 2022ko zerga-ekitaldiari dagokiona**. Hori egiteko obligaziorik ez baduzu, hori egiaztatzen duen dokumentazio ofiziala eta/edo beste errenta edo diru-sarrera batzuk jaso izana justifikatzen duen dokumentazioa aurkeztu beharko duzu, edo, azken buruan, horien zinpeko aitorpena eta/edo Antsoingo Udalak urte horretako familiaren diru-sarrerak zehazteko beharrezkotzat jotzen dituen dokumentuak.
- Hala badagokio, epai judiziala edo banantzea legez egiaztatzen duen agiria aurkeztu beharko da.

Familia- unitatearen per capita errenta (1)

Familia unitatearen kontzeptua, onarpenaren ondorioetarako, Pertsona Fisikoen Errentaren gaineko Zergari buruzko Foru Legearen testu bategina onartzen duen ekainaren 2ko 4/2008 Legegintzako Foru Dekretuaren 71. Artikuluan araututako da.

“ 71. Artikulua. Familia-unitatearen kontzetua”

1. Zerga honen ondorioetarako, honako hauek dira familia-unitateak.

a) *Legez banandu gabeko ezkontideek eta, halakorik balego, seme-alaba adingabeek osatzen dutena, salbu eta, gurasoen adostasunarekin, gurasoengandik independente bizi direnek eta kuradoretza ordezkatzaila behar duten adin nagusiko seme-alabek osatzen dutena.*

b) *Bikote egonkor batek osatzen duena, bere legeria espezifikokoaren arabera, eta, egonez gero, seme-alaba adingabeek osatzen dutena, salbu eta, gurasoen adostasunarekin, gurasoekiko independente bizi direnak, eta kuradoretza adierazgarria behar duten adin nagusiko seme-alabak.*

c) *Legezko banantze kasuetan, edo ezkontza-loturarik edo bikote egonkorrik ez dagoenean, aita edo ama eta batekin edo bestearekin bizi diren seme-alaba guztiak osatutakoa, baldin eta aurreko paragrafoetan aipatutako baldintzak betetzen badituzte.*

a), b) eta c) idatz-zatietan aurreikusitakoaren ondorioetarako, seme-alaben parekoak izango dira tutoretza edo harreragatik subjektu pasiboari lotutako pertsonak, legeria zibil aplikagarrian ezarritakoaren arabera. Seme-alabekin parekatuko dira, halaber, ebazpen judizial bidez subjektu pasiboari esleitutako zaintza eta jagoletza duten pertsonak, aurrekoez bestelako egoeretan.

2. Inork ezingo du aldi berean bi familia-unitatetan parte hartu.

3. *Familia-unitateko kideak zehazteko, urte bakoitzeko abenduaren 31n dagoen egoera hartuko da kontuan, familia-unitateko kideren bat urtean zehar hiltzen denean izan ezik; kasu horretan, familia-unitateko gainerako kideek baterako tributazioa aukeratu ahal izango dute, hildakoaren errentak barne.*

Aukera hori ez da bidezkoa izango ezkonkideetako bat hiltzen bada, *urtea amaitu aurretik ezkontide alarguna ezkontzen bada.*

Onarpen-baremoaren ondorioetarako per kapita errenta kalkulatzeko, familia unitatearen errentatzat hartzen da errenta-aitorpenaren likidazio-oinarriaren edo oinarrien guztizkoa. Familia-unitatearen per capita errenta honela kalkulatu da: 2022ko ekitaldi fiskalari dagokion likidazio-oinarri osoa zati 2022ko abenduaren 31ko familia-unitateko kideen kopurua (aitortzailea, ezkontidea edo bikotekide egonkorra eta murriztapen-eskubidea duten pertsonak).

2024. Urteari dagokion lanbide arteko gutxieneko soldata 15.876 eurokoa da urtean.

9. Haurren eta/edo gurasoetako batek edo legezko ordezkariak, edo/eta anai-arrebek desgaitasuna izatea.

Desgaitasuntzat hartuko da ofizialki % 33ko edo hortik gorako maila aitortuta eta egiaztatuta badago, eta honako dokumentu hauetako baten kopia aurkeztu beharko da:

- Adinekoen eta Gizarte Zerbitzuen Institutuak (IMRSO) edo dagokion autonomia erkidegoko organo eskudunak emandako ebazpena, ziurtagiria edo txartela
- Gizarte Segurantzako Institutu Nazionalaren (GSIN) ebazpena, ezintasun iraunkor osoagatik, absolutuagatik edo baliaezintasun handiagatik pentsioduna dela aitortzen duena.
- Ekonomia eta Ogasun Ministerioaren edo Defentsa Ministerioaren ebazpena, lanerako ezintasun iraunkoragatik edo lanerako ezgaitasunagatik erretiro pentsioa esleitzen duena.

- Nafarroako Gobernu Eskubide Sozialetako Departamentuko Pertsonen Autonomiarako eta Garapenerako Nafarroako Agentziak emandako txartela, desgaitasun maila aitortzen duena, identifikatzeko baliozko dokumentu batekin batera.
- Desgaitasun hori egiaztatzeko beste edozein ziurtagiri ofizial.

10. Genero indarkeriaren edo terrorismoaren biktima izatea

Genero indarkeriaren edo terrorismoaren biktima izaera aitortzen duen agiri ofizialaren kopia aurkeztu beharko da.

11. Gurasoetako edo legezko ordezkariaren batek Antsoaingo Udal Haur Eskolan lan egiten badu

Eskolaren ziurtagiria aurkeztu beharko du, langilearen datu pertsonalak eta betetzen duen lanpostuari dagozkionak zehazten dituen.

12. Legez familia ugariko kide izatea

Titulu ofizial egiaztatzailearen kopia aurkeztu beharko da.

13. Haurren familia-harrerako egoera

Harrera hori formalizatu dela egiaztatzen duen dokumentu ofizialaren kopia aurkeztu beharko da.

14. Familia gurasobakarra izatea

Irizpide hau baloratzeko, titulu ofizial egiaztatzailearen kopia aurkeztu beharko da.

15. Haurra erditze anizkoitzean jaioa izatea

Inguruabar hori jasotzen duen agiri ofizialaren kopia aurkeztu beharko da.

Lehentasunezko irizpideak baloratu ondoren BERDINKETA bat badago, martxoaren 6ko 16/2024 Foru Aginduaren 12.3 Artikuluan xedatutakoaren arabera, lehentasun-irizpideak aplikatuko dira, hurrenez hurren, berdinketa hautsi arte. Hala ere, berdinketa hausten ez bada, irizpide OSAGARRIA erabiliko da, hots, gurasoen lan-egoera edo egoera akademikoarena.

IRIZPIDE OSAGARRIA

16. Gurasoen edo legezko ordezkarien lan-egoera edo egoera akademikoa:

Hau baloratzeko, bi gurasoei dagokien dokumentazioa aurkeztu beharko da, salbu eta familia gurasobakarren kasuan edo familia gurasobakarra izan gabe zaintza eta jagoletza eskusiboa duen gurasoaren kasuan.

Gurasoetako batek lehentasunezko irizpidea baloratzeko (Lantokiaren hurbiltasuna), atalean dokumentazio hori aurkeztu badu ez du berriro sartu behar, beste gurasoarena bakarrik aurkeztu beharko du:

- Besteren kontura lan eginez gero, Gizarte Segurantzaren edo dagokion mutualitatean alta emanda egotearen ziurtagiri ofiziala, eskaerak aurkezteko epea amaitu aurreko 30 egunean emana.
- Norberaren kontura lan eginez gero, mutualitate orokorrean edo Gizarte Segurantzaren dagokion araubidean eta ekonomia-jardueren gaineko zergan alta emanda dagoela egiaztatzen duen agiri ofiziala, eskaerak aurkezteko epea amaitu aurreko 30 egunean emana.
- Eszedentzian egonez gero hiru urtetik beherako seme-alabak zaintzeko, eszedentziaren jakinarazpena aurkeztu behar da. Lan-egoera aktibotzat hartzeko, idatziz zehaztu beharko da lanera itzuliko dela 2024ko urriaren 15a baino lehen. ikasturtea hasi ondoko hilabete eta erdi baino lehen. Interesduna lanpostura itzuli ondoren, lanera itzuli dela egiaztatzen duen agiria aurkeztu beharko du.
- **Gurasoen edo legezko ordezkarien egoera akademikoa (2)**, ikastaroaren **matrikularen**, **egutegiaren** eta **ordutegiaren egiaztatgiri ofiziala** aurkeztu beharko da.

(2) Ikasketa araututzat jotzen dira titulu akademiko ofizialak: (DBH, Batxilergoa, Lanbide Heziketa, unibertsitate-titulazioak, eta abar) lortzera bideratutakoak, eta lehentasunezko dedikazioa dagoela ulertuko da interesduna ikasturtean matrikulatuta dagoenean, gutxienez, dagokion ikasketa-planaren arabera ikasturte oso bat osatzen duten kreditu edo orduen %80an.

- Kasua bada, gurasoetako edo legezko tutoreetako bati ezintasun iraunkor **Absolutuagatik edo Baliazintasun Handiagatik** pentsio bat dagokiela frogatzen duen agiria.

Irizpide osagarria erabilia ere BERDINKETA mantentzen bada, Hezkuntza Departamentuak martxoaren 15ean egin duen zozketa publikoaren bidez ebatziko da. **Erreferentzia gisa hartuko den abizena Aisa da.**

17. Balorazio hori justifikatzen duten txostenak.

ZERRENDAK ARGITARATZEA

- BEHIN-BEHINEKO ZERRENDA ARGITARATZEA: 2024ko maiatzaren 28an

Onartutakoen behin-behineko zerrenda eta itxaron-zerrenda aurreinskripzioa egitean jasotako erregistro-zenbakiarekin argitaratuko dira. Udalaren webgunean <https://www.ansoain.es/> eta Haur Eskolan argitaratuko dira.

-ERREKLAMAZIOAK AURKEZTEA: 2024ko maiatzaren 29tik ekainaren 3ra

Antsoingo Udalean erreklamazioak aurkeztu ahal izango dira, presentzial eo telematikoki, Hautaketa Batzordeari zuzenduta, behin-behineko zerrendetan adierazitako puntuazioa berrikusteko eskatzen duten iritzia alegatuz.

- BEHIN BETIKO ZERRENDA ARGITARATZEA: 2024ko ekainaren 5ean

Onartutakoen behin-betiko zerrenda eta itxaron-zerrenda aurreinskripzioa egitean jasotako erregistro-zenbakiarekin argitaratuko dira. Udalaren webgunean <https://www.ansoain.es/> eta Haur Eskolan argitaratuko dira.

Behin betiko zerrendak argitaratzearekin batera, matrikula egiteko beharrezkoa den informazioa argitaratuko da (aurkeztu beharreko dokumentazioa, egin beharreko fidantza ordaintzeko modua eta izapidetzeko modua).

FAMILIEK KONTUAN HARTU BEHARREKO OHAR GARRANTZITSUAK

- Eskaeraren arabera finkatuko dira haurren sektore eta hizkuntza ereduen banaketa.
- Behin matrikulak eginda, Nafarroako Gobernuak ezarritako unitatea sortzeko gutxieneko baldintzak betetzen ez badira, Antsoingo Udalak matrikulak baliogabetzeko eskubidea izango du.
- 1. aukeran plazarik ez badago, 2. aukera esleitu da.
- Aukera bakarra markatzen bada eta plazarik ez badago, beste aukera ez duela interesatzen ulertuko da.
- Eskatutako 1. aukerari uko eginez gero, plaza izateko eskubidea galduko da.
- 1. aukeran plazarik ez dagoelako 2. aukera onartzen duenak itxaron-zerrendan jarraituko du 1. aukerarako.
- Haur Eskola goizeko 8: 00etan irekiko da, eta 16:00etan itxiko ditu instalazioak.
- Haurrak **gehienez 7 ordur** egon ahal izango dira Haur Eskolan.
- Ikasturtea 2024ko abuztuaren bigarren hamabostaldian hasiko da, eta 2025eko ekainaren 30ean amaituko da (egutegia onartzeke dago).

OHARRAK ETA DATUEN EGIAZTAPENA

- Ezarritako epean matrikularik egiten ez bada, ikaspostuari uko egin zaiola ulertuko da, eta beste bati esleitu daio itxarote zerrendako hurrenkera jarraituz.
- Itxarote zerrendan dauden haurrak ikastetxean matrikulatu ahal izango dira, baldin eta haur eskolan ikasposturen bat hutsik gelditzen bada eta puntuazio-ordenari jarraituta, beranduenez 2025eko otsailaren 14ra arte.
- Alegatzen den egoera egiaztatzen duen dokumentazioa aurkezten ez bada, edo dokumentu osatugabeak, lausoak, irakurtezinak eta iraungiak aurkezten badira, zero puntu aplikatuko da onarpen-baremoari dagokion atalean.
- Eskabidean edo erantsitako agirietan adierazitako datuak okerrak edo faltsuak direla egiaztatzen bada, horko puntuazioa aldatuko da eta, kasua bada, emandako ikaspostua kenduko da.
- Hautapen-batzordeak eska dezake zuzendu daitezela interesdunek aurkeztutako dokumentazioak dituen akats formalak.
- Erreklamazio epean ez da puntuatuko aurreinskripzioa epean aurkeztu ez zen dokumentazio berririk.

TARIFAK

Jantokiaren tarifak aplikatuko dira Hezkuntza Departamentuak 2024-2025 ikasturterako tarifak arautzeko emandako foru aginduan ezarritakoarekin bat.

BAREMOA

LEHENTASUNEZKO IRIZPIDEAK	Puntuazioa
Anaia edo arrebaren bat ikastetxe horretan matrikulatuta egotea	Geh. 3
Gurasoen edo legezko ordezkarien bizilekua edo lantokia gertu izatea	Geh. 10
Udal titulartasuneko ikastetxeetan:	
Haurra eta, gutxienez, gurasoetako edo legezko ordezkarietako bat erroldatua egoteagatik eskaeraren xedeko ikastetxea dagoen udalerrian edo eraginpeko eremu geografikoaren barneko udalerrri batean (horretarako akordioa ezarria duten udalerrietan).	10
Gurasoetako edo legezko ordezkarietako bat, gutxienez, lanean aritzeagatik eskaeraren xedeko ikastetxea dagoen udalerrian edo eraginpeko eremu geografikoan.	2
Familia-unitatearen per capita errenta	Geh. 3
- Lanbide arteko gutxieneko soldataren erdia edo hori baino txikiagoa bada (7.938 eurokoa edo txikiagoa)	3
- Lanbide arteko gutxieneko soldataren erdia baino handiagoa eta horren hiru laurden adinakoa edo txikiagoa bada (7.938 eurokoa baino handiagoa eta 11.907 eurokoa edo txikiagoa)	2
- Lanbide arteko gutxieneko soldataren hiru laurden baino handiagoa eta soldata hori bera edo txikiagoa bada (11.907 eurokoa baino handiagoa eta 15.876 eurokoa edo txikiagoa)	1
- Lanbide arteko gutxieneko soldata baino handiagoa: 15.876 euro.	0
Haurrak desgaitasuna izatea, edo haren guraso, legezko ordezkari edo anaia edo arrebaren batek	Geh. 2,5
- Ikaspostua eskuratu nahi duen haurraren desgaitasuna.	2
- Ikaspostua eskatzen duen haurraren gurasoen edo legezko ordezkarien edo anai-arreben desgaitasuna.	0,5
Genero indarkeriaren edo terrorismoaren biktima izatea	Geh. 1
Bi inguruabarrak edo bietako bat gertatzen bada	1
Gurasoek edo legezko ordezkariak ikastetxean lan egitea	
Gurasoek edo legezko ordezkariak ikastetxe horretan lan egiten badute.	0,8
Legez familia ugariko kide izatea	0,8

Haurra familia-harrerako egoeran egotea	0,8
Familia gurasobakarra izatea	0,8
Erditze anizkoitzean jaioa izatea	0,8

IRIZPIDE OSAGARRIA (Kontuan hartuko da, bakar-bakarrik, baldin eta berdinketa mantentzen bada, Hezkuntzako kontseilariaren martxoaren 1eko 16/2024 Foru Aginduaren 12. artikuluan ezarritakoaren arabera)	
Familia orokorrak Bi gurasoak edo legezko ordezkariak honako egoeretako batean badaude: lanean, Gizarte Segurantzari alta emanda, lehentasunezko dedikazioa eskatzen duten ikasketa arautuak egiten (dedikazioak behar bezala justifikatuta egon beharko du) edo ezintasun iraunkor absolutuko edo baliaezintasun handiko egoera aitortuan.	1
Guraso bakarreko familien kasuan edo guraso bakarreko familia izan gabe zaintza eta jagoletza eskusiboa duen gurasoaren kasuan Gurasoa honako egoeretako batean badago: lanean, Gizarte Segurantzari alta emanda, lehentasunezko dedikazioa eskatzen duten ikasketa arautuak egiten (dedikazioak behar bezala justifikatuta egon beharko du) edo ezintasun iraunkor absolutuko edo baliaezintasun handiko egoera aitortuan.	1